

17  
22

MEMORIAE POSTUMAE  
FOEMINAE  
LECTISSIMAE CASTISSIMAEQUE  
D. BARBARAE RECHEL-  
VIZIAE,

VIRI NOBILISSIMI atq; AM-  
PLISSIMI,

D. GEORGII HÜBENERI,

Regiae Civitatis Thorunensis Cos.

& h. t. Praetoris, Scholarchae, ut & Quæstoris  
gravissimi,

CONJUGIS DESIDERATISS.

Anno Ærae Christianae M. DC. LXXVIII.

Pridie Id. Septembr. in puerperio denata,

ac XVII. Kal. Octobr. ad D. Mariæ

solemni ritu tumulanda,

tributum

à

Gymnasii Professoribus.

---

THORUNI, Imprimebat Joh. Cœpselius, G. T.



Quid in humanâ miserum vis dicere  
vitâ,


Ullum vix inter cetera majus erit;  
Quam, quod Res etiam jucundæ, de quibus alma  
Gaudia speramus, deliciasq; meras,  
Sapientius in casus abeunt mœrere refertos,  
Mellaq; dum pavidô dulcia corde cupis,  
Nil capias aliud, quam tristia fella dolorum  
Quæ mentē, & corpus, reddere mœsta solent.  
Rebus in humanis verò quid gratius extat,  
Conjuge quam castâ, quam quoq; prole frui?  
Hoc Princeps, miles, opifex, mercator, & optat,  
Doctus & indoctus, rusticus optat idem.  
Hâc finit metire vias, hâc rura fatigas,  
Hâc Tibi difficilis vix labor ullus erit.  
Sed quantum Tibi sæpe venit gustandus amaror,  
Quando simul Fœtus, ipsaq; Mater obit.  
Tristius hoc Fatum, multi sensere Piorum,  
Quod Te nûc pariter, VIR VENERANDE, premit.  
Gaudia sperabas, quæ luctus occupat ingens;  
Mella in fella, cheu! degenerare vides!  
Fœtus & Uxor obit! Sed non obiisse vel illum,  
Aut hanc, aut magis hinc tantû abiisse putes.  
Hinc, ubi dulcorem semper comitantur acerba,  
Hinc, ubi nec certû nec stabile omne bonum.

In

In Cœlos abiêre, putes, ubi Fœtus & Uxor  
Jubila lætitiæ non peritura capit.  
Tu Te nunc ostende VIRUM, qui pectore firmo  
Nubila, neve minus ferre serena queat.  
Nil perit, præiit potiùs par nobile, quò nos  
Olim, sed lætâ mente sequemur eos.

*Sympathias & consolationis ergò  
l. m. q. ser.*

J. N.

 *Vàm Tu præcipiti, VIR Consultissime, luctu  
Gaudia diminuit deliciasq; DEUS!  
Qui modo Connubii seras Tibi carmine tædas  
Gratulor, ac primùm destino metra Patri;  
Te fleo, quod gemino pullatum funere cerno,  
Et Matri & Soboli qui citò justa facis.  
Plena spei, carâ quod Te factura parentem  
Prole sit, ut pomis arbor onusta suis,  
Concidit exanimis Tibi dilectissima Coniux,  
Atque domus Soboli sit tumulusq; sua.  
Occidit heu! viridi multùm fraudata juventâ,  
Nec possunt nostra flectere fata preces.  
Nil ingens animus sociæ, nil cognita virtus  
Proscit, ut valeant fœdera sancta tori.  
Qui pretium ponis fidei, qui moribus, hujus  
Conjugii poteris de brevitate quæri.*

*Sed si tam celeris fas est properasse volatu,  
Non alia decuit fata venire via.  
Castra virago pio partu dum concidit, ipsa  
Haud potuit letho nobiliore mori.*

M. ERNESTUS König / Rector Gymn.



Vis nunc, o nostri venerande Patrone Lycei,  
Tristibus heu! lacrymis ora rigare veteris  
Luctifonos imo gemitus de pectore mitte;  
Anxia crudeli pectora plange manu:  
Ædibus infauftam mœstus præfige cupressum:  
Atræ sit nocti concolor ipsa domus.  
Nemo potest tantas meritò damnare querelas,  
Hos vitio planctus ventere nemo potest.  
Decidit è claro nunquam temerata corona  
Vertices subversa est firma columna domus.  
Occubuit conjux, magnis virtutibus olim  
Quæ solita est totam condecorare domum.  
Nulla dies unquam, nulla unquam transit hora  
Quâ domus haut promptam senserit ejus opem.  
Conjugii eduxit benè pignora cara prioris,  
Inq; novum nulli cessit amore Virum.  
Extollat laudetq; superstiosa vetustas  
Tot Grajas, Latias, Barbaricasq; nurus.  
Non tamen Alcestis Nostram, non Iphias ipsa,  
Dotibus in multis exsuperare queant.  
Tantas virtutes comitata est gratia cœli,  
In Te transfundens divite cuncta sinu.  
Propterea Te felicem celebravimus omnes  
Cum concessa Tibi tanta marita fuit.

Scd

Sed nimum fallax harum constantia rerum  
Humanas subito vertere sœta vices!  
Alter conjugii tantummodo volvitur annus  
Et jam cuncta simul præcipitata ruunt.  
Dulcia sperasti socialis pignora læsti  
Quæ generis vestri læra propago forent,  
Nunc tollunt sobolem, tollunt quoq; Fata Parentem,  
Deniq; spes tollunt contumulantq; tuas.  
Hæc igitur quidni possent excire dolorem  
Hæc, hæc divina vulnere facta manu?  
Non nego. Nec possum tristes prohibere querelas;  
Est tamen in rebus certus ubiq; modus.  
Desine funestis igitur tua pectora curis  
Desine crudeli dilacerare metu.  
Amitti ne crede diem, sunt altera nobis  
Sidera, sunt summi limina sancta poli.  
Hic nos expectant post multas gaudia curas,  
Expectant dulces perpetuiq; dies.

M. CHRISTOPH. Hartknoch/

Gymn. Prof.



Rgone dilectam, VENERANDE SCHOLARCHA, Mariã  
Tu quoq; jam tumulo condis, & ora rigas?  
Tam citò Delicias nigri violentia fati  
Sustulit, atq; novi fœdera sancta tori?  
Sperabas teneram dum, maxima gaudia, prolem,  
Incrementa Domûs, dulcis amoris opes,  
Dum propè scandeabas felicis culmina Sortis,  
Franguntur celsi, morte furente, gradus,  
Nectareos nondum latices gustare licebat,  
Nec Bona, terrestris quæ Paradisus habes;

Et jam

Et jam luctus adest, Eurusq; Notusq; procellas  
 Attollunt, tremulam concutiuntq; ratem.  
 Exanimis uxor, Mater sobolesq; tenella,  
 Ante oculos, heu, corcula bina, jacent.  
**BARBARA** chara, Domus rarum decus atq; corona.  
 Quæ Tibi Abigail, Sara, Rebecca fuit.  
 Siccine sunt hominum tenui pendencia filo  
 Omnia? Nil firmum siccine Mundus habet?  
 Quid mirum, si quis tanto spoliatus amore,  
 Vulneret ungue genas, siccibus ora lavet?  
 Dilectam velut Euridicen miserabilis Orpheus  
 Quærens, ad stygios transiit usq; lacus.  
 Tartareum flexit Ditem, rabidasq; cohortes,  
 In lacrymas citharâ carminibusq; suis:  
 Sic quoq; flebilibus moveas hominesq; Deosq;,  
 Planctibus, & luctu saxa ferasq; trahas.  
 Plangimus, heu, tecum, Sortemq; dolemus acerbam,  
 Et calido Cineri debita justa damus.  
 O spes fallaces! ô gaudia vana! perennem  
 Nemo fortunam quærat in orbe sibi,  
 Ass licet hoc plenum mœroris Funus, & ipsa  
 Mors Sociæ nunquam sit lacrymanda satis:  
 Non tamen absq; DEO, qui nostræ tempora vitæ  
 Et necis æterno temperat arbitrio.  
 Plangendum paucis igitur, cum debita simus  
 Turba DEO, qui nos curat, amatq; Bonus.  
 Sic fuit in fati, fuit hæc divina voluntas,  
 Cui contra nullus dicere debet homo.  
 Ut Domino placuit, sic factum, Nomen honore  
 Illius sanctum nos celebrare decet.  
 Credo, Tibi placuit vehementer cara Marita;  
 Cœlesti placuit sed mâgis illa Patri.

Ætherio felix ea nunc spaciatur Olympo,  
Et sine fine, velut lucida stella, micat.  
Ne, quæso, doleas, illam post tristia fata,  
Æternis opibus delictisq; frui.  
Omnipotens rerum Servator & Auctor ab ævo,  
Sarciet hæc multo fænore damna TIBI.  
Atq; Relictorum curam geret ille paternam,  
Et dabit, ut post hæc nubila Phœbus eat.  
Spes confisa DEO nescit confundere quæquam:  
In lacrymis etiam læta venire solet.

*In honorem piæ defunctæ & solatium Nobi-  
lis, Amplissimiq; Dn. Vidui,  
cujus generos apposuit*

WENCESLAUS JOHANNIDES,

*Gymn. Thorun. P. P.*

---

O Spes inanes! vota q; præcoci  
Subverta fato! Consulis Optimi.  
Rotatur Euripo dolorum,  
Nec lacrymæ medicamen addunt.  
Cùm tristis isto contumulat loco,  
Cum prole Matrem, quæ tumulus prius  
Est facta prolis quæm Genitrix,  
Excidium generis tuetur,  
Sacro Parentis tum venerabili  
Orbatur illo nomine, nec eluet  
Maritus. Ut Turtur gemiscit  
Cùm sobolse perit aut dolosis  
Compar ligatur funibus aucupis;  
Sic Consul orbis Conjuge proleq;  
Gemiscet. Ut Cyenus sagittâ  
Sancius; ore canet lugubri.

Ah

Ah! unde threnos incipiam meos?  
 Quæ prima se vox pectore proferet  
 Viasq; laxabit qverelis?  
 Cùm mea proh! cecidit marita,  
 Nunquamne posthac amplius, ô mea,  
 Nunquamne posthac conspiciam tuos  
 Vultûs amicos. Fila vitæ  
 Atropos & Lachesis secate.  
 Jamjam valebunt gaudia, tum joci,  
 Et omne quicquid dulce fuit mihi.  
 Adeste fletûs jam perennes.  
 Perpetui sine lege luctûs  
 Adsint. Perennis regula casuum  
 O sempiterni provida numinis  
 Mens! summa sternis derepentè  
 Et repetis data cùm placebit.  
 Reddo paternâ quam dederas manu  
 O Numen & cum foenore Conjugem  
 Hâc in ruinâ tu memento  
 Me trepidum solidare Christe.

J. Rezik.

